

T5484/3122 (17)

34855

秋行東莊待友絕

山僻地塵埃，尋常客不來。
 白雲依榻起，黃菊近窗開。
 村酒把餽，秋陽下是田。
 偶然逢火吹，有客過山邊。
 一寄海山月，幾聲破廟鐘。
 此時無個事，把盞對芙蓉。
 新翻牛背上新唱，村中月落
 搖櫓至來書一題。
 帶月吹牛，明山空遠，應聲水
 田平白，裏驚起宿鵝。
 紅卷香香，家偷閑野意，賒
 飄飄楓樹，下衣掃葉煎茶。
 凍祖坐，八景旁，前叫上人，猶
 笑紫峰。

牛與之，香香，向是，秋風，色，映，晴，空，道，之，歸，且，環，臨。

秋住東莊得六絕

山僻絕塵埃尋常客不來
白雲依榻起黃菊近盃開
村婦抱鋤眠殘陽下
麥田偶然羣犬吠
有客過山邊
一片浮山月幾聲破廟鐘
此時無個事把盞對芙蓉
鵝翻牛背上雞唱樹了中
日落携樽至求書一趣翁
帶月叱牛耕山空遠應聲
水田平白裏驚起宿蛟鯖
莊屋亦吾家偷閒野意賒
飄飄楓樹下去掃葉煎茶

咏祖堂八景步約畊上人韻芙蓉峰

峰與芙蓉青靄同
巍巍翠色映晴空
週遭綿亘環幽



寺牽引遊人興不窮

祖腳跡

東臯石上一踪奇
瞻禮人懷不盡思
欲倩松篁常擁護
免教雨過得淋漓

掛衲松

蒼然不獨似虬龍
故爾名纔異古松
老幹離披如衲掛
陰晴常見白雲封

香水海

一水盈盈注路旁
愛他味淡有幽香
每逢春暖秋高

日細澌微波漾錦章

虎跑泉

石罅泉源脉最長
涓涓清景勝滄浪
山君疏出供僧飲
應載芳名萬古香

佛字石

此意從來沒甚麼
分明指點息風波
至今石上留痕跡
一任人人認是他

鉢盂泉

一泓泉畔懶僧居
曾向泉中洗鉢盂
飯屑今皆成玉

屑清光皎皎映天衢

補衲臺

花岩高處石臺橫
登眺紛紛話舊名
不見老僧來補衲
衲只聞伐木韻丁丁

試茶

色類松花淡香同
蘭榦幽不須傾七碗
已足潤枯喉

雨中薔薇

濛濛細雨送春歸
只道山園綠已肥
不意嫣然紅未盡
籬邊猶剩有薔薇

同汪臨川冬至坐書室分賦

濟濟同人集草堂
喜逢冬至日初長
朝忘霜冷暮羲帖
暮傲風寒跋漢章
窓下挑燈齊討論
爐邊撥火共評商
瘦軀未得詩書趣
且學狂歌賦一陽

梁亭牡丹

湖苑風光似洛陽
花牆隔處自聯香
玉樓春暈嬌紅面
不是臙脂俗下妝
名花映日弄繽紛
粒點名園春十分
最是國香藏不住
住碧欄杆外擁紅雲

見雪即事

無如身瘦覺衣單一揭氈簾體實寒靈極小環裘捧
出還言江上可投竿

隔簾牡丹

底事名花者未真疎簾不捲隔芳塵行雲欲障陽臺
面層幔偏遮金屋身國艷迷離一片影天香逗漏幾
痕春湘波蕩漾情何限想見當年賦洛神

海塘看潮

萬疊起波濤風聲戰馬鏖銀城雪寨裏隱隱聽呼號

暑夕吟

五色長虹垂海屋一鉤新月掛山樓從來好景知難
得急典紗衫開酒籌

同陳水亭看新月妓者曉粧

覩爾臨粧整翠翹窈窕疑是女中妖柳眉黛染丰情
活杏臉紅舒韻致饒高綰雲鬟堆鳳髻曲擡雪腕挺
蜂腰羅裙束漏瓊彎瘦信是青樓有阿嬌

賦得雪壓杏花天

似絮漫漫起好風花枝旋被素襦籠想緣青女憐香

艷故把紈綃護淺紅

雨花臺有感

木末躋攀步蟻遲
杪樞曾覆講堂基
路迴遙接長干寺
亭曲斜通正學祠
六代舊愁芳草地
三秋餘恨夕陽時
松風響處能清客
欲與山家借一枝

九日題天坡嶺亭

丹梯獨躡上高峰
遠近層巒入壑淙
爽氣侵人消俗慮
清音觸耳豁心胷
長杉難蔽陽巖日
小閣能招陰洞震
登眺已忘今九日
忽然脚底一聲鐘

睡鞋

軟底弓彎入夜拖
每隨衾枕任摩抄
羞教婢晒隣紗
隴愛情郎温伴錦
窠自上巫山情不少
因勾鐵柱興偏多
芙蓉帳子芙蓉褥
好似雙鴛戲碧波

登獻花巖有感

峭壁安然擁翠嵐
檜松凋盡冷經龕
一尊彌勒身存半
四大金剛臂折三
徑讓緩尋過壘塊
高客遠眺立空谿
昔年懶祖踪雖在
誰解頻來約伴探

賦得妬花風雨便相催

似厭新條綴錦葩不教金谷闕繁華
蕊昏零亂凝香淚枝盡離披冷碧沙
輕趁風飄應有恨暗隨雨墜豈無嗟
封姨神女雖如此反惹詩家興更賒

偕友人山遊記事

携囊挈伴探山靈直上高峰步復停
近憇花岩搜怪穴遙觀天闕審奇形
岡巒隱約環金界砂水依稀擁玉屏
何故精廬撩淚下且尋僧話繞荒櫺

登臺城望鍾山後湖作

獨眺臺城上湖山互倚傍誰家翠髻寒
玉鏡宛相向

同佛琴上人登栖霞最高峰

試想龍從秀氣鍾一亭四殿景來宗
峰形似戟排朝暝江色如銀傾夕颺
老衲同登談不厭瘦人獨賞韻無重
可知生就尋幽僻渴直呼泉餒啜松

遊祖堂幽栖寺同葑畊上人分賦得四律留贈

雲裏僧廬現深林一徑通紫墻霞氣護
碧瓦霧光融不洩禪心靜無邊佛法空
到來隣澗坐目送幾歸鴻愁看塵俗事
習隱莫如僧煮茗清思想熱香息愛憎
舒懷頻倚石叉手暫離藤疊疊青山外
閒雲是友朋

蘭若依山麓如屏抱翠檐樹交風颭颭花趁月纖纖
款客頻移席參禪始放簾毫無逃絕意見酒更先拈
舉止非凡品清吟過謫仙潛踪栖梵宇寄傲在林泉
瀹雪知茶味抄雲愛巖鮮一龕終打坐悟透祖堂禪

遊女

一婦懷春陌上來故將團扇掩桃腮此時直惱東風
俗吹得紅裙摺亂開

幽境

幽境偶來尋呼童抱一琴不彈烟壑意惟寫月山心

祝彭母余夫人七十壽

調用千秋歲

古稀壽考壺範尤窮討撫子就為官早榮流四德妙
教肅三遷好來獻也瓊臺靈卉瑤宮草鶴髮膺鸞
誥冠帔盈珠寶開口笑無煩惱未食胡麻飯先但安
期東長生藥傳聞月裏嫦娥搗

賦得十月先開嶺上梅

羅浮特特著仙風早把芳情訴太空清萼衝寒迎月
下暗香帶冷瀉霜中岡從北顧光猶隔嶺自南瞻色
已通共道美人丰韻好先枝絕勝大江東

南枝幾樹點芳容
特露仙風慰一冬
地氣自來高處
旺天心早向淡中逢
橫斜鐵幹邀明月
疎落水姿掛
遠峰欣喜小陽無
寂寞登山着屐許
相從

堦草

芳草憑天種相依
數十叢綿綿穿曉露
細細舞春風
蘭砌能添綠花墻
解襯紅生機
稱獨盛經歲
搃茂茂

江上芙蓉

競與七襄同製錦
終過六月便開花
清江欲瀉銀河
恨彩映仙橋
好度車

同蔣鳳梧登金山坐妙高臺分賦

陟此悠悠曲曲蟠
妙哉臺聳出雲端
松杉賽作虬龍
舞磊砢攢成虎豹團
一道江光千古緯
四圍山影萬
年鞍我今長嘯思
飛去始悟乾坤法
界寬

山村雨霽土軟塵
消偶同陳賡九梁
楚澄散步
陌上見女即脚印
因拈西廂記步香
塵底印
兒淺句賦之

佳人拾翠過花洲
土襯弓鞋淺印留
瘦跡一彎浮小
徑嬌踪三寸露
高丘行來似篆情
應活過去如鈎性

必幽寄語郵童須愛護待吾追訪話粧樓

昔有婦臨牕而泣淚滴成花色類芙蓉瓣同願

類名曰少婦類又曰滿砌春因與海棠相似

俗遂呼之曰秋海棠其實非也賦詩正之

粉淚如珠復似茜堦前濺漬成花片至今含露致婀娜猶帶嬌羞當日面

幽花誰復倚窗裁綽約迎風露粉腮可笑時人終不識大家喚作海棠開

啟書得乾蝴蝶口占三律

不撲東園碧草烟却投篋笥卷中眠盈盈薄翅依絢帙冉冉痴魂繞素編香粉尚存粒媚雅彩裳猶整致褊褊雖然早作南柯夢藐小遺形更可憐

想入詞壇日已長因而罷舞宿書囊蒲編掩映文添艷柳字清便體助狂只恐蠹魚殘玉版不愁驪僕卸香裳濛濛情態經珍護何至隨風過海棠

應赴芳叢逐景遊乃栖尺牘撇同儔香魂渺伴牙籤散繡翅輕隨竹簡收形似倦迷還似怨影如痴夢復如愁滕王圖上當年樣難肖此時出籍幽

北山桃花行

北山高曠處卉木遙相向登眺躡峰巔桃源如在望
雲收舒艷色風起翻紅浪香暈氣薰蒸似立錦溪上
飄飄粉瓣舞疑雨迎新漲初日照高枝穠然繁且壯
東臯皓月升灼灼光猶漾下有菜花黃掩映環青嶂
隔岼臨流水綠楊斜襯傍烘天同彩霧直與霞相抗
地距江之南武陵應不讓誰為作賦才佳勝能名狀
賓從此遨遊惟予觀獨暢興發不推敲信口揚聲唱
唱作桃花行桃林無以況急急扮漁郎尋洞時乘舫

撐入桃源曠石濺山頻盪

夜吟

燈花斗大筆花豪掃盡牢騷賦反騷人映水清心映
月詩如風急酒如濤天街鴈語南山遠古寺鐘敲北
斗高夜永更闌誰是伴一壚香篆譜雲璈

春日

調用碧桃春

芳菲紅紫鬪媽妝佳辰助客狂携羣談古論文章同
將疑義嚼刪舊句譜新腔趁春光未央任他蜂蝶
鬧梨棠我自面書牆

咏西府海棠

離離絳蕊發窻前
點染春光故逞妍
似吐天心枝綴露
如隣雨足辦含煙
杯浮綠襯千英醉
燭映紅妝一樹眠
欲賦無言無語態
須將麗質賽便娟

賣花聲

不為擔來賽錦城
但隣繡戶發高聲
杏花村裏腔頻轉
桃葉溪邊調更清
低喚能挑閨媛興
狂呼堪動女郎情
果然一霎將釵換
直把芳鮮滿担傾

送春

鶯嬾啼兮柳絮飛
東皇瞬息順殘暉
紅葩褪艷枝纔瘦
綠樹生陰葉漸肥
一刻遶村情似倦
三春隨水態如歸
臨樽不覺添惆悵
欲賦驪歌酒力微

雪後月

山居雪霽室疑捐
手卷重簾望暮天
淡魄斜篩金闕暗
清輝低映瑣窻連
梅疎綴玉香描傲
竹勁披銀秀寫堅
漏轉更深光皎處
幽哉如練復如棉

清明

調用杏花天

三春九十今無幾
又不覺山容壯矣
紅深綠淺東風

細粧點韶光些子 有多少花村酒市都隔斷讀書
聲裏流鶯學管儒生課頻喚遲眠早起

春暮山中感吟

無計留春奈若何 山間遠眺且高歌 興闌獨酌松陰
下 十丈飛泉落澗坡

清明

芳菲桃李遶門墻 對景頻添客興狂 踴躍人嬉蘭砌
畔 鞦韆女戲柳橋旁 賣花聲亂鶯梭急 呼酒歌翻蝶
翅忙 欲向隣家借鑽火 篝燈偕友課文章

遲日融融覆短墻 繞堤花柳趁風狂 開尊戲蝶窺簾
角 展卷新鶯語舍旁 直欲品題詠懶多 因凭眺獻
酬忙 時人須識蛙鳴意 不為乘春賦豫章

秋閨怨

晨粧初罷倚闌干 驀見黃花顧影寒 弱質經秋偏惹
恨 柔姿觸景倍增酸 幾回脉脉心如醉 一會恹恹神
似攤 蜂蝶無知猶媚舞 教人懊惱枕衾單

桐葉風飄玉井寒 別時容易晤時難 千山蔽障音書
絕 三載愁思涕泪漙 淡掃蛾眉空自媚 強梳蟬鬢有

誰省垂簾惱聽征鴻訴日望長安默痛酸

瓶菊

何必尋三徑秋容已在瓶一枝斜拂几數朵瘦依屏
逸興陪書帙高情伴誌銘霜飛飛不到任爾吐清馨

秋霽

晨光初轉景偏妍水共長天一色連無雨灑窓濃露
斂有霜鋪瓦薄烟捐離離禾稼歡秋得簇簇蓉葵笑
序便衆竅齊吹山欲舞且隨麋鹿盡盤旋

咏祿口古柏

蒼松昔數慈仁寺古柏今誇此最奇直幹干霄如列
戟垂枝拂地似螭旗輕雲靨隼依梢出薄霧繽紛接
樹移歲月本無曆誌紀貞操一任雪霜欺週遭百丈
菁菁秀上下千尋鬱鬱姿舞鶴巢柯常自得勞人休
息每栖遲托根幸與帝鄉遠抱質偏虞廊廟知天地
賴君存直道樵夫曾過肅威儀

秋樹

莫道經秋萬類凋繞溪老樹有新條高枝漾彩凝丹
碧密幹呈姿綴紫綃映日恍如迎客舞乘風恰似向

人招濃霜縱使相催併艷色偏能做阿嬌

秋雲

萬疊千層出遠山須臾變態每多般清竒濃淡憑舒
卷聚散糾分任改刪謾道無心輕出岫却同有意薄
迷關晚風徐引迎殘照掩映潭光影亦閒

秋光

四野無雲一片明山嵐水氣沍天清微風輕度飄黃
葉殘月潛移動赤英渾似神遊蓬島處幾忘身是建
康氓塵心不覺終消釋何用逢人話玉京

秋氣

朝來爽氣倍尋常忘却干名坐草堂陣陣襲人消宿
倦依依觸物度微香蒼茫霄漢如珪彩浩瀚乾坤似
鏡光對景自慚無郢句塔前悵望復徬徨

蕭問桃道士指院中白貓索賦

躡蹠瑤塔一梭兒芳形皎皎賽凝脂動如浴鷺翻銀
浪行似翔鸞舞玉墀捕鼠類烟籠月魄追麗齊霧擁
霜姿羨伊潔素存商質宜在瓊宮伴鶴居

言志

聖主恩如到草萊狂生敢任治安才
臨軒學可端師伯仗策功堪表
外臺撫字不須誇召杜養培何用數
龔邵只將釣月鋤雲志効力
皇家足矣哉

春日偕友遊花園埂

春暖何所得買春不費錢一方游冶地
千古艷陽天湖上風光好花園別墅妍
青鞋翻曲岬岬幘入晴煙竹裏有人笑
松間多鶴眠小橋泉沸沸古塚草芊芊
深鎖清陰處嫣然花柳全沾衣成刺繡
撩眼爭新鮮恨不歌三曲慚無詩百篇
茆菴又引勝石磴好談禪

客也消塵慮僧真斷俗緣瓷甌沉雀舌
銅鼎起龍涎樹各栽羅綺禽多弄管絃
猖狂憎阮籍曠達傲張顛沽酒醒復醉
偷香去又還為愁明日雨極此丹留連

秋感

清宵虛館絕氛埃月滿高城霜滿垓
啞啞鴈聲驚客思淒淒蛩語動人哀
歌成白雪心如醉夢遠青霄愁似堆
空剩敝貂三寸舌幾回長嘯憶燕臺
秋園兀坐炯雙眸疊嶂層巒望裏收
樹色雲移如漾彩山光雨過似含愁
紅蕖夾岬情添媚黃菊依籬致

吐幽滿目化機皆可悟從前半是覓騎牛

八月曹卓庵園內牡丹忽放一枝題贈

名花今不闌春風却向秋園逞艷容
瓣若彤雲承曉日蕊如金綬出吳宮
一般國色過陽令直與天香奪
化工人傑物華相待發靈葩故爾吐墻東

秋夜閨情

殘燈孤影伴清宵倦倚屏風漏轉遙
枯葉敲窓疑婢至寒蟬聒耳當人招
一腔心病依明月萬斛愁腸付玉簫
偏有南樓歸鴈攬哀鳴不憫我無聊

朱鳴山邀飲大蓮花巷留贈王七娘

乍見飄飄出閣來恍如仙子下瑤臺
喬粧蟬鬢盤鴉髻巧画蛾眉點鳳腮
宛轉調腔謔艷曲慙懃洗手托香壘
憐他別有風流態不聽催歸小僕才

咏客舍瓶桂

折來金粟蕊離離客舍生香足解頤
此刻故園三五樹也應發滿舊時枝

題画糊糝

乍看疑人蹲石谿回頭弩目眈山棧
誰知却是猿猱

葦想上長條食枣梨

石蹟橋王軒來先生以詩見示步韻酬之

喜瞻芝宇秀共話晚風前逸興同庾亮高懷冠謫仙
文堪垂素簡筆可補青天但誦閒吟句應居老杜先

淨海寺看桂花

精藍幽處木禪香挈伴尋來隔短牆窄徑逶迤封蔓
草危陂磊落護叢篁緩行琢句來花下安坐聽經懃
樹旁幸有沙彌知款客引看飽後話迴廊

端陽前坐舟至秦淮訪王儀昭

棹放秦淮訪舊儔正逢簫鼓韻幽幽幔亭燈火攢橋
柱綺閣釵環上舵樓西岼人喧聲似沸東山月映色
如秋盪開雙槳烟波濶忘却吾身坐碧流

登牛首舍虛閣即事

傑閣嵯峨接碧天朱牕正廠逼詩肩月浮雙澗光昏
瘦霧籠千山色等玄檻外星辰搖石穴梯間風雨落
沙埏側身東望飛揚處城郭參差隔遠烟

東峰回眺

回首雙峰景更竒端然如柱豎天池菁蔥檜柏環岩

谷高下茶瓜繞路岐鐘出禪闕聲漸杳雲浮僧榻影
頻移信乎空寂非九境自訂重遊足幾時

山亭遇雨

遊罷層巖步曲阿空亭亭外雨滂沱濕烟漠漠迷蹊
磴蒼溜潺潺入澗波四大禪林屯霧部一般樵斧冷
雲窩詩人小憇忘歸去為問東山興若何

題九秋圖

紅葉黃葵丹桂香芙蓉開傍漢宮秋玉簪難與雞冠
並籬菊偏宜伴海棠

祝姑蘇許良弼先生八十壽

喬雲天際照長庚朗映仙人色似嬰龍躍平輿新月
旦虎潛淮甸頌風清竒森桂子垂丹顆秀發蘭孫挺
玉英勅賜九環九節杖扶從上苑看華平

贈徐崑發

久住莫愁處安然道自亨救人憑藥料修已對書檠
氣化千花茂神交萬木榮倚窗來水月相會兩縈縈

自在吟

自在且言言當牖野雲屯我信非華屋人誇是洞門

都忘親戚貴只覺讀耕尊可笑無顏者逢迎不憚煩

夜宿土橋

茅屋近山蹊有燈招我栖月來疑日出人語認烏啼
面洗一盆水心堆萬斛泥天明辭店主跨馬過橋西

過許壽臣花園看菊

楓丹與檣紫色色闌重陽人道黃花好都來入醉鄉

秋日山莊閒步

仲秋尋野趣日落未曾還柳葉浮溪水松花點石山
無心雲片片多態月彎彎絕似新圖畫楓林隱約間

咏吉山永泰寺烟霞蔥鬱

步姚少師原韻十六絕

長日氤氳瑞氣籠岫容不與衆山同乍來如入蓬萊
境思結山靈作友朋

獅子林巒

峰巒蟠踞接青冥竒特猗猗類獸形夜半雨風如驟
至松聲似吼悚人聽

吉山臺觀

嵯峨紺殿絕塵埃傍石依山戶洞開為眺蒼烟登傑
閣教人不數雨花臺

淨果精藍

重壑深藏靜室幽，老僧曾此伴清修。
我來問訊探遺跡，惟有繩牀錫杖留。

絕嶂浮烟

四顧山光盡，悄然高峰獨有瑞烟旋。
可知過客難頻到，只許遊仙駕彩輶。

深林落磬

茂木叢蕤遠講堂，何來清韻響悠揚。
不同樹杪風聲舞，堪令羈人俗慮忘。

五岫聯芳

遙望諸峰一脈連，穹窿突兀接青天。
凝然端拱相排列，酷似當年五老仙。

天開蓮域

峰巔石聳似蓮花，仰迥層霄擁碧霞。
山徑雖無仙掌跡，堪留名與太華誇。

叢嶺旋嵐

極目千巒似吐烟，依稀旋繞護峰巔。
縱當雨霽風晴候，翠靄飛成碧練牽。

羣峰擁翠

非關雨過色菁蔥不以秋冬景不同霜後依然如黛
染諸峰果足冠江東

涵池貯月

山隈劃石水成池似有精靈與護持夜靜月痕相掩
映令人照見髮如絲

山谷棲雲

因見閒雲出岫來登臺拭目四徘徊誰知路轉峰迴
處山坳豐隆結綵纒

松堤環黛

蒼然一抹翠盈眸老幹離披伴鶴遊搖影垂陰迷石
磴幾人當作綠雲浮

螺岸遙青

似画如屏列坐前莪莪翠色映蒼天生成環拱遙相
接賓主端然興致翩

花塢錦欄

嶺畔花光似列星枝枝燦爛若雲屏遊人漫擬為吳
錦誰識山葩彩色熒

霜磴紅葉

秋杪來遊望翠巒葉飄楓老色如丹山堤掩映神靈
境樵子休輕用斧殘

春燕

纔過春社見伊歸又裏香泥度翠微但認舊巢重補
壘不投新主直穿幃雙雙梁上呢喃語兩兩簷前展
轉飛似愛雨晴風日好引雛來往舞蓬扉

客院蓼花

宜向秋江發何為小院來偏撩離客淚紅酒濕堦苔

雪天獨飲

非棉非絮起風悠密洒繽紛覆竹樓真是近村無犬
吠果然開徑有人投江邊蓑笠情尤活橋上歌辭韻
倍幽六出飛花供獨賞傾尊暢飲復何愁

蕉窻夜雨

秋宵逸韻透迴廊不是佳人惱夜涼飄洒有聲同拍
響滴淋多致類疎狂忽然馳驟如絃急終矣悠揚似
漏長入耳寒心蕉葉碎教儂怎肯費平章

梧桐一葉落天下盡皆秋

節序經秋物若惺蕭蕭一葉起風零乘時卸蒂飄金
井應候辭枝布石屏不是無心隨月扇須知有意代
星駟能令萬里關山外頃刻商音曲裏停

閨怨詩韻限溪西雞齊啼及一二三四五六七

八九十百千萬丈尺兩雙半數目字

幽思萬丈恨三溪半阻征夫在蜀西九載兩番勞尺
鯉七年一霎付窻雞六時默坐千愁積四至秋風百
感齊十五月圓人不見空過二八淚雙啼

二川五柳半橫溪八月雙橋跨嶺西百丈情牽三木

馬十分心恨兩莎雞尺書欲問千軍信七策先操萬
卒齊九轉裁成四六句一封未寄又悲啼

落梧驚寢

好夢邀人睡欲濃朦朧窻外忽如碇巫雲甫作金風
攪楚雨初成玉露攻莫認苦心虫唧唧可知疎影鳳
縱縱靜中無限清淒意枕上聽來慕蔡雖

雨中看落花

為憐風雨妬新紅持蓋相看路可通殘萼含珠如欲
訴疎枝滴淚似求終色滋苔石悲香過香湧萍池怨

色空不履不衫能不倦惟尋酒醉冷花叢

偕友過課花園飲於雞冠花下

為賞秋英一振裾朋從同步過山居沿谿龍爪搨飛
石排道雞冠覩殿廬露濕綠叢疑綠羽風搖丹距認
丹書成羣逐隊留人醉影映方池伴睡魚

促織

嘈嘈孤韻作西堂堂可明明月一方不解近人傳快
樂只知應候訴淒涼揚聲似怨飛寒露振羽如悲降
肅霜昨見兒童歡捉得輸贏也直解錢囊

祝許龍山八十壽

皇綸五色新屢錫杖朝賓家本箕山舊年逢渭水春金甌
承沆瀣玉鼎脯麒麟昨有蓬萊信靈芽發火椿

同徐培厚過胥家大塘對荷花作

凡葩不愛愛栽蓮宋有濂溪百代傳十丈何須期弱
水千枝已自滿晴川綠翻活浪今猶古香散炎天後
繼前假館高人能作賦芳塘名譽賴伊延

春日訪友

春滿遙山氣相融携囊信步嘯光風故人家在郊垌

外夾岬桃花映水紅

紫菊

白帝何曾屏艷妝東籬綻蕊皎偏長枝枝錦爛迎朝
日瓣瓣霞烘迓小陽甘淡初無惟淡意拒寒真有傲
寒光須知大隱非衣素莫謂丹顏定取黃

喜嚴務濟過我東莊

自古惺惺有素誠在莊交好屬先生吟筇步步輕芳
訊牧笠歌歌愧草迎心似青松心已淡性如白菊性
長明呼童先貫隣村酒再割家雞當大烹

夜吟

未遇多情載酒過渴來無計遠塔坡腰間劍掣憑花
舞膝上琴橫對月歌忘却宵分還刻石不妨天亮再
懸河奚奴困極軒呼睡枕是詩筒蓋是蓑

元日試筆

忽忽悠悠似散仙竟忘時序又新年雖然修行含痴
雨不及疎梅籠瑞煙客至任他傳慶賀兒來隨我養
安便但虞門外君恩降難入深山避綠旃

梁塘太乙宮即事

女伶如約俗緣通聚飲梁塘太乙宮醉聽清謳聲破
玉飽觀妙舞影飛紅滑稽羽士愁宵雨脫畧詩人悵
夜風不肯放他歸舊地欲留麗質卧花叢

春社

恰逢春社步郊原聽得農家禳歲喧陌上隴旁羅雉
兔廟中堦下集雞豚酒徒個個謔還舞饁婦叢叢笑
又言向晚已分清祭肉還將多少各爭論

晚坐莫愁湖天然亭

春色梁家晚虛亭小坐宜山烟初起處湖月到來時

石蹟橋客夜聯句

并序

乾隆丙子子月廿七日乃冬至之次日也與甯
仲山汪恐碌王左驂陳賡九飲集傳南郵齋中
醉飽之餘復蒙顏坊招浴浴罷諸子送余歸寓
譙樓已轉二鼓興發聯句磨磚畫葦分草燃薪
或坐或立或從或倚擊鉢成吟得長律二十四
韻雞黍之供既乏茗酪之獻亦疎腸枯腹餒僅
瀹米調羹以消冷况早不覺月上參橫晨光漸
曙矣爰與諸子復集南郵齋中繕寫成篇以誌

一時雲停萍合冬夜之逸興狂歌云

滌盡三冬垢清談一夜燈岫東羣馬乘醉興渾不畏寒

凝仲山坐久茶方熟更闌月未升恐碌燃藜尋破硯覓楮

拾殘繒慶九正始音難續元和體漫矜左驤雕蟲徒奏巧

倚馬竟誰能南郵檢韻拘才老痴心學少陵岫東只知麤

繪句奚暇細摸棱仲山托雅欣同契題衿賴好朋恐碌南

枝梅蕊綻北牖草茵甍慶九交淡箴朱穆輪扶暮李膺

左驤數星昭井聚孤鴈入雲層南郵冷氣侵珠斗茅簷掛

玉繩岫東擗颺何肅肅薄絮頓兢兢仲山欲劈麟為脯空

懷酒似渾恐碌長腰勞浙瀝朽木作薪蒸慶九粥煖陽回

候腸充弁側仍左驤龍雞鳴比屋籬犬吠行僧南郵塲上

霜如雪河邊水結冰岫東東方天漏白村落曙煙騰仲山

倦眼重彈指匡林免曲肱恐碌七賢雖少缺六逸曷須

增慶九視此萍踪集堪酬詩教興左驤盛朝掄國秀樂府

願偕登南郵

隨峻天大哥遊虎邱先謁五人墓

付白船錢請杖鳩隨兄先作掃墳遊舉幡使氣橫千

野銅黨靈魂聚一丘不是甘陵生議論何能吳郡別

蘭蓀五人雖死英風在有勢權閣敢出頭

山塘漫賦

山塘塘半走嬌娃想入名邱聽法華一刻風生吹片
片氤氳香氣醉袈裟

偕彭天臣林健周至莫愁湖納涼

相邀至莫愁避暑得真休不動七輪扇且撐一葉舟
塔高城上聳雲散水邊流忽爾荷風起平湖六月秋

鷺池

柳絲拖曲水來往有鷺群漫說沉紅爪清波起白雲

贈山中飲者

誰氏鴻儒策杖遊乘春携榼醉山頭開襟耿耿丹心
壯脫帽蕭蕭白髮衰兩耳聰如風觸物雙睛炯似水
經秋興來只話興亡事引動旁人想乞休

春情

調用蝶戀花

園內百花開遍矣拾翠尋芳獨自來花底風蕩裙衫
輕揭起忙舒玉指重重理只當冶遊人過此舉目
偷瞧恰是郎歸里平地教人歡幾死番愁消瘦難陪
你

清明

節屆清明日漸長
芬菲不止有梨棠
天桃含笑如求採
郁李牽情似北方
水態看來新画眼
山容盼去快詩腸
此時豈肯偷安坐
奮向芸牕究典章

雨中夜坐書懷

山齋風雨夜瀟瀟
獨對孤燈四壁寥
冀却閒思消永漏
難招好夢入清宵
爍爍短燭光猶閃
脉脉長愁魂已銷
有淚欲彈還不敢
恐驚隔院野僧嘲

春閨

調用碧桃春

未經惆悵不知愁
今因獨倚樓見他
細雨撲簾鈎記來
心坎頭 大柳驛小
梁洲望中天際浮
早知觸目動離憂
當初背後留

坐書室清明即事

日淡風和二月天
江城楊柳盡拖烟
紛紛蝶影過書幌
啞啞鶯聲度講筵
野老似忘春欲莫
儒生須念序將遷
于今案逼分陰惜
收拾清心對聖賢

秋夜吟

滿目清光釀素秋
笛聲聽得韻悠悠
隔牆竹珮如雕

翠侵檻苔錢似潑油
白露溥溥螢皎暗
金風肅肅鴈行幽
坐深不減庾樓興
忘却鄰雞報曉籌

對菊

繞砌黃花爛熳開
悄然靜對興悠哉
我非愛飲陶彭澤
門外何人送酒來

七夕為織女催粧

雀橋高架雀屏開
為渡仙姬擁駕來
既画蛾眉親黛筆
已盤鴉髻傍梳臺
何須釵鈿堆雲髮
那用胭脂襯粉腮
整整一年終一會
停梭早起莫徘徊

秋日漫興

入山幾探菊花開
每著微吟總懶裁
放曠敢追高雅跡
譏評甘受俗庸猜
因耽冷淡親泉石
故作踈狂伴草萊
布襪芒鞋筐在手
採歸倒出一金堆

九月過梁塘廟見陌上芙蓉作

不向秋江兩岼招
却于山徑逞丰標
枝枝媚奪紅粧俏
只恐村姬妬色嬌

秋日偶吟

山齋戶外路如弓
直接他山萬木叢
每到深秋呈麗

景株株霜透葉皆紅

春日漫題

書齋兀坐正春晴掃葉烹茶響石鐺素愛幽栖堪適
性常思縱賞便陶情箋裁提筆如龍走簧點將筮學
鳳鳴不肯片時空放過鋤雲釣月戴星耕

春暮

調用青杏兒

門外綠陰稠輕風煥院宇清幽朝來緩步閒堦下楊
花亂飄榆錢密洒草色侵眸天影蔚藍浮渾難辨
翠染山頭韶光已足供清玩林間還有鶯啼栗留鳥

弄輞軒

採菊

詩文課罷陟崔嵬野婦山翁莫浪猜不是感秋閒縱
目提筐為採菊花來

午日感吟

繞樹榴花吐沿江競鼓喧蟾蜍應盡伏鳩鵲可能言
何必臨湘渚方為吊屈原離騷開一讀是水挹潺湲

初伏見秋海棠開作

宜傍秋堦逞艷姿今何冒暑發層墀輕盈凝露疑會

淚綽約臨風宛帶嘻柔態隔簾撩酒興嬌容拂座動
詩思但虞日午炎威烈默囑芭蕉急蔭之

紫薇花

中書院裏一株花移向山家韻轉賒
鞞鞞英如籠宿霧娟娟蕊似散
明霞臨池月浸浮紅錦傍砌風搖舞
絳紗相對無譁成靜賞遙遙掩映亂歸鴉

自田上歸館作

農事將身擾幽齋未得親文為鼯鼠破書被蠹魚湮
一劍光猶好准樽味不真眼看童洒掃只任起芳塵

賦得殘月如新月

天街夜靜玉弓懸好似纔蘓光湛然指搗霄痕沿北
界鈎留宇跡現東邊乍看一線新眉掃頻顧些弧殘
魄卷可惜彩舒隨欲曙二分景勝十分圓

並蒂蓮

蕊結同心瓣逞芳恍如連袂步虛堂雙雙出水招黃
蝶兩兩臨池映綠鴛風舞翠盤齊吐艷月籠層萼並
含香相依玉立天生就勝過昭陽闥綵裳

秋夜

銀蟾皎皎照平橋散步渾忘玉漏遙野迳露深蛩語
細山村風靜杵聲鶯疎疎螢度如星墜緲緲雲飛似
葉飄爽氣已堪消俗慮引人猶有鳳樓簫

喜雨

潺潺檐溜雜波潏似欲催詩入座間縹緲濕烟籠柳
徑迷漫濃霧罩松關淋漓自合花神意浙澀尤開農
父顏料得西成端有望高歌不放酒杯閒

天然亭懷人

相思人未來湖上獨徘徊春雨霏微裏桃花如雪開

中秋

調用慶清朝慢

玉宇無塵銀河瀉影修眉綠映秋山尋常但逢三五
雲漢斑斕獨此夕何夕凭長空如洗景清寒高樓外
望中鴈陣飛過前灘 蛩聲亂砧聲亂鬧炒得天氣
有許多般還把扶疎桂香播人間我且狂歌拍手開
襟暢飲倚欄看誰家院又吹羌管風裊音翻

梁亭納涼

六月湖亭涼似秋密雲細雨暑全收坐來一霎詩成
也風擺荷花亂點頭

哭陸鳴東

姻友登堂淚滿腮為君化鶴赴泉臺不悲易作華胥
夢但痛輕成伯道災幻影朝天難再返芳踪伴月定
重來須知雞絮修郊祭特薦英靈調故哀
柏臺此日即千秋種樹還當向隴頭只怕招魂憐冥
漠不如撫柩且淹留欲歌薤露聲悲楚恐奏山陽笛
慘愁佇望此時來享格微忱少鑒慰離憂

山中感吟

蒼狗一天雲青蚪萬戶烟浮浮何所定身世兩茫然

同友小飲陶谷遇雨作

陶谷清幽十畝陰花神昨夜喜來臨裙遺半幅裁紅
葉釵墮全枝發玉簪已就香風吹俗氣猶將甘雨滌
塵心同人共愛秋光好故把新詩仔細吟

夜聞鴈聲

翻振雲霄過石頭夜風吹落聚沙洲一聲喚醒江南
夢十二樓中盡感秋

秋坐飲天山脚下聽琵琶

菊圃歸來一徑斜飲天山脚弄琵琶聽他唱了秋光

好忘却登高且喫茶

鴈字

江南通信知秋早塞北空群恨雪多字體滿天留不
住衡陽聲斷枉奔波

携李式玉范渭濱蕭顥若冒雨至集賢庵看秋

色

冒雨來庵喜欲顛一鐺未熄煮茶烟高僧叅透空中
色紅葉黃花滿佛前

短笛何人弄四阿輕蓑若輩話隻何撩予細聽忘歸

去倦就經龕入睡魔

虹

青紅兩道架如梁宿雨全收引夕陽弄笛仙人騎鶴
背好乘星月渡瀟湘

重陽同管惟一登雨花臺

只愛黃花映碧天雨花不問是何年三山日落題糕
字萬井烟生汲醴泉立醉無庸驚晚節登高惟願繼
前賢貪窺江上舟如豆忘佩茱萸亦洒然

楊花

能於空際逞英才百卉場中許占魁
糝徑依依鋪漸滿硯池點點落還開
草茵疊褥邀將去榆莢輸錢買
不回但願來年飛絮日頻頻賞詠酌金壘

十字山頭閒眺

十字山頭四望賒茅簷處處帶烟霞
忽聞牧笛多情致吹落梅花日未斜

重陽前三日送曹闔章北上

莫愁湖外一浮槎祖席擎杯叙別賒
菊正開時人忽遠不知重九醉誰家

何堪分手漫題詩水遠山遙路漸移
此去長安頻寄字好音穩足慰余思

七夕同友人聯吟

時逢七夕興悠悠讌集聯吟酌玉甌
羞逐兒童爭乞巧爰邀賓客共分秋
歌聲縹緲通霄漢文采光芒射
斗牛嘯傲今宵渾是樂頓忘天上別離愁

贈蔣天臣

囊中未見有多錢代友安排至萬全
自是性情無芥蒂總能風雅足聯翩

贈王斗南

日誦宵披覓鼎烹不知嬉戲豈無成
筆從理窟探真實詞向文園寫博精
第一風流才子度無雙
豪俠大家行丹樓遙望生神氣
直振元音鐘鼓聲

尋甯仲山小飲

急切那容嗟路遠
羈縻何事到莊遲
相邀此日無陪客
只有黃花一兩枝

離思欲寫憑詩筆
望眼將穿待画車
不識先生何處去
直教小子串村墟

贈徐鈍夫

何處飄來水月身
不衫不履戲天真
讀空經典無些字
看破乾坤是點塵
毛孔洞開都見佛
齒牙花燦總生春
從今欲拜南州榻
吹我高風醒宿因

莫愁湖有懷

一望湖光絕可懷
莫愁人去已多年
碧波斜映清涼月
紅樹遙分芳樂烟
偶爾臨風吹玉笛
欣然垂釣出銀編
凭欄無限相思意
只在芙蓉秋水邊

夜宿莫愁湖

蓼花月映新秋水荷葉風翻薄暮天白日憑欄省不足夜深猶戀莫愁眠

白紫薇花

亭亭玉立比霓裳想像曾居禁掖傍月照鳳池誰入直可知傳粉是何郎

早秋聞蛩

梧桐窗外月光涵不寐語人思不堪一個蛩聲終入耳喚來秋已滿江南

訪海月上人

秋山石徑夕陽斜結伴來撰釋子家松下無聲馴白鹿鉢中有影卧金蛇六朝勝地堪飛錫一葦浮江豈借槎不棄粗疎聯研席片香從此對袈裟

秋日同劉近仁伊弘澤讌集天然亭分賦

秋染湖山入望遐白雲紅樹點青鴉陰生一片石城雨晴捲雙峰鍾阜霞旋釣起魚還自煮聲沽來酒倩人賒荷風七月涼如許醉裏頻將半臂加

清涼山感吟

花落後庭簪井空一聲清磬出琳宮眼前紅樹蒼山

色總在殘陽細雨中

白秋海棠

花如碎雪點青苔
伴月憐風小砌開
妃子蛾眉學淡掃
三郎燒燭自徘徊

立秋日携陳振三林均六者莫愁湖雨景

騎秋風雨洗平湖
樹暝山昏烟色鋪
絕似徐熙水墨畫
天然好處在模糊

步月

我行月亦行我止月還行
惟我愛明月止止復行行

閒吟集雜劇名三十首

西園春暖放桃花
淡點胭脂出浣紗
歸到唇樓金鎖閉
幽閨無事弄琵琶

紅葉媒成萬里緣
西樓此夜永團圓
蕊珠簾下除釵釧
百順詩題燕子箋

出師表奏去征東
血染青袍寶劍紅
八義何時增十義
魔忠不及古精忠

牡丹亭畔是西廂
開盡紅梨與海棠
蘆花夜雨驚蝴蝶
夢聽他龍虎笑山岡

金印明珠已兩休麒麟閣廢漢宮秋
蘆花蕩裏漁家樂滿目兒孫竹葉舟

雖然祝髮玉清庵不把鸞釵換玉簪
拜月亭中思十義黃鶯何日貯魚籃

摩尼合掌禮潮音拜請封神降竹林
願現衣珠如是可蓮花筏載老叔心

銀箏懶撥放風箏天奈何人皓月清
仰望雲中鶯燕香汗衫淚染柳眉惇

名花榜放現文星齊赴瓊林百順廳
歡會風雲如躍

鯉滿牀牙笏錦堂馨

誰氏雙包賦綵毫獨誇踏雪擁青袍
傳情全仗春秋筆祿享千鍾笑賣糕

盤駝山上鬧花燈為倒銅旗義俠興
獅吼如雷天塔聳黨人要聚竹林僧

曲江池上釣金鰲翡翠園中遇綠袍
私贈連環分玉鏡老叔心縮紫魚絲

天然福享錦團圓後牡丹亭歡萬年
欲續琵琶琴線好珊瑚佩換太平錢

金鼎焚香咒負心恨他萬事費千金自憐夢石妬嬌紅
淡總為雙珠錯認針

空青石砌後西廂金雀雙鸞宿海棠蝴蝶夢成題絲
扇錦團圓賽浴鴛鴦

金臺相近翠屏山三世輪迴人獸關照膽鏡中分善
惡邯鄲夢裏想當然

霞箋寄與畫中人一種情牽四德真懶上西樓開玉
匣石麟鏡掩古城塵

石榴花女弄車張雪白羅衫綉瑞香投筆不題紅葉

句香囊私贈賣油郎

玩花樓掛九蓮燈百子圖懸十美稱錦繡屏開龍虎
笑紫鸞簫奏碎冬凌

灌園難比牧羊夫怎把金貂賽綉襦神劍雖然同寶
劍曇花勝過牡丹圖

紅梅開滿洛陽城七子齊鳴鳳彩生思續尋親追十
義鴛鴦棒不打金鸞

杏花莊上勝揚州龍鳳翱翔護彩樓滿座荆釵紅拂
袖如昇仙境快西遊

鴈翎為甲去征東斷髮捨弓奮義忠三國歸王呼萬
壽出師表上表精忠

艷雲亭上會蕭郎粧盒開收釵釧忙羞解紅袍隻赴
夢相如蜂蝶學偷香

萬里緣同聚摘星興龍會在鳳儀亭隻紅暗漬春羅
帕吉慶圖開孔雀屏

賣油郎抱柳眉肩願共長生樂萬年使盡腰間十五
貫風流直到九更天

賽桃園勝古桃園白兔鸚哥燕子喧更有九蓮三桂

好錦香亭內演天門

不打櫻桃坐破窰為調風月誤元宵想天緣配隻熊
夢刻刻熱香弄紫簫

三元棄職為尋親甘效孟蘭救母人羅帕淚痕如捧
雪隻冠誥似採蓮新

長生殿裏夢飛熊似據南柯口吐絨三世同寤忠義
俠天門陣擺鼓逢逢

二月過梁亭遇雪

二月梁亭雪尚飛湖光黯淡遠山微天寒借酒相酬

醉况對名花豈忍歸

冷勒花苞未大開
昨朝燕子已飛來
拈毫欲寫催花句
風捲珠璣滿硯臺

同陳振三曹素行坐舟過六筠亭分賦

愛殺筠亭景何妨
且住橈雙魚飛上岼
一鷺浴來潮竹影
隨風活松聲帶月嬌
迴思桃葉渡共悼美人遙

春暮偕彭天臣王師公見二角庵天竺甚好

不須雞犬與桑麻
松徑深中世外家
竺實紅留三月好
到來忘却看桃花

